

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA ZA ZAJEDNIČKE POSLOVE  
Broj: 10-04-1246/21  
Lukavac, 31.05.2021. godine

Na osnovu člana 64. stav (1). tačka a), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) te Preporuke Komisije za provođenje postupka javne nabavke broj: 10-04-1246/21 od 27.05.2021. godine u konkurentskom postupku javne nabavke usluga za čišćenje administrativne zgrade i prostorija organa uprave i profesionalne vatrogasne jedinice, Pomoćnik općinskog načelnika za Službu za zajedničke poslove d o n o s i

### **ODLUKU o izboru najpovoljnijeg ponuđača**

#### **Član 1.**

Prihvata se preporuka Komisije za provođenje postupka javne nabavke broj: 10-04-1246/21 od 27.05.2021. godine, te se Ugovor za javnu nabavku usluga za čišćenje administrativne zgrade i prostorija organa uprave i profesionalne vatrogasne jedinice dodjeljuje ponuđaču „ATALIAN GLOBAL SERVICES BH“ d.o.o. Sarajevo, koji je dostavio ponudu broj: KA-63/21 od 12.04.2021. godine, za ponuđenu cijenu u vrijednosti od 25.614,00 KM bez PDV-a kao najpovoljnijem ponuđaču.

#### **Član 2.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

#### **Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 10-02-1228/21 od 23.03.2021. godine. Javna nabavka sprovedena je postupkom konkurentskog zahtjeva za dostavu ponuda. Procjenjena vrijednost javne nabavke bez PDV-a je 34.000,00 KM.

Obavještenje o nabavci broj: 719-7-2-13-3-38/21 objavljeno je na Portalu javnih nabavki dana 25.03.2021. godine.

Komisija za provođenje postupka nabavke imenovana Rješenjem broj: 02-04-75-10/21 od 30.03.2021. godine i Rješenjem o izmjenama Rješenja broj: 02-04-75-10/20-1 od 13.04.2021. godine dostavila je Pomoćniku općinskog načelnika za Službu za zajedničke poslove Zapisnik o pregledu i ocjeni ponuda broj: 10-04-1246/21 od 27.05.2021. godine, Preporuku o izboru najpovoljnijeg ponuđača broj: 10-04-1246/21 od 27.05.2021. godine i Izvještaj o radu broj: 10-04-1246/21 od 27.05.2021. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno šest blagovremenih ponuda, a da neblagovremenih ponuda nije bilo;

- da su ponude ponuđača ATALIAN GLOBAL SERVICE BH d.o.o Sarajevo, EURO-EMS d.o.o Tešanj, SAMŠIC d.o.o Sarajevo i ED-DE-SHINE d.o.o Lukavac kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.
- da je ponuda ponuđača „B-S SISTEM“ Servis za čišćenje i održavanje objekata, Jelah-Tešanj odbačena. Komisija je utvrdila da isti nije dostavio popis dokumenta uz ponudu koji čini sadržaj ponude. Kako je tačkom 14.5. stav 1. podtačka g) Tenderske dokumentacije određeno da ponuda mora sadržavati navedeni popis, Komisija je ponudu primjenom člana 68. stav 4. tačka i) Zakona o javnim nabavkama („Službeni glasnik BiH“, broj: 39/14) odbacila.
- da je ponuda ponuđača DSO Agencija za čišćenje stambenih i poslovnih objekata „ČAKUM-PAKUM“ Tuzla, odbačena. Komisija je utvrdila da isti u obrascu za ponudu na strani 5. ponude nije popunio slovima ukupnu cijenu za ugovor, nije dostavio potvrdu nadležnog opštinskog organa da je registrovan i da obavlja djelatnost za koju je registrovan, a što je određeno tačkom 33. Tenderske dokumentacije, zbog čega je Komisija ponudu na osnovu člana 68. stav 4. tačka i) Zakona o javnim nabavkama („Službeni glasnik BiH“, broj: 39/14) odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 34.000,00 KM bez PDV-a i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena ..... 98 %  
 b) Rok plaćanja..... 2 %

Ponuđač „ATALIAN GLOBAL SERVICES BH“ d.o.o Srajevo dostavio je prihvatljivu ponudu sa cijenom u iznosu od 25.614,00 KM bez PDV-a i rokom plaćanja 60 (šezdeset) dana od dana prijema fakture. Isti je osvojio 100,00 bodova, te je u odnosu na kriterij za dodjelu ugovora rangiran na prvo mjesto.

Zbog naprijed navedenog odlučeno je kao u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba za zajedničke poslove, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

**Dostaviti:**

1. „B-S SISTEM“ Servis za čišćenje i održavanje objekata, Jelah-Tešanj,
2. DSO Agencija za čišćenje stambenih i poslovnih objekata „ČAKUM PAKUM“ Tuzla,
3. „ATALIAN GLOBAL SERVICE BH“ d.o.o Sarajevo,
4. „EURO-EMS“ d.o.o Tešanj,
5. „SAMŠIC“ d.o.o Sarajevo,
6. „ED-DE-SHINE“ d.o.o Lukavac i
7. Arhivi.-



PO OVLAŠTENJU OPĆINSKOG NAČELNIKA  
 POMOĆNIK OPĆINSKOG NAČELNIKA  
 (ovlaštenje broj 02-30-6250/20 od 21.12.2020. godine)  
 Jasminka Dugonjić, dipl. pravnik